

Reflechi sou règ yo

Sèvi ak fich aktivite sa a pou w reflechi ak yon règ ou twouve ki twò lou pou ou.
Ou ka sèvi ak fich la kòm baz pou w pale ak paran w tou.



► Poukisa w pa renmen règ sa a?

► Èske pa gen anyen nan règ sa a ou *kapab* aksepte?

► Dapre ou menm, poukisa paran w vin ak règ sa a?


► Dapre ou menm, èske gen yon bagay paran w pa t pran an konsiderasyon lè yo t ap bay règ sa a? Si se wi, ki sa l ye?

► Ki sa w ta renmen yo chanje nan règ la?

**Si w ta mande paran w
chanje règ la, ki jan w
panse yo t ap reyaji?**



- ☐ “Bliye sa!”
- ☐ “Petèt.”
- ☐ “Pa gen pwoblèm.”



► Ki sa k fè w panse yo t ap reyaji konsa?

► Menmsi sa pran tan, ki jan w ka re-jwenn konfyans yo ankò? (Yon ti poul: Aksyon gen plis fòs pase pawòl.)

► Ki enkyetid ou panse paran w genyen ki fè yo t ap reyaji konsa?

► Si w ta paran yon adolesan, ou t ap bay yon règ konsa? Si se wi, ki règ, e poukisa w t ap bay li?

JIS NAN KI PWEN YO FÈ W KONFYANS?

Fò w travay pou yo fè w konfyans.
Site kèk bagay ou fè ki ka fè paran w
vin gen *mwens* konfyans nan ou.



Site kèk bagay ou fè pou paran w
vin gen *plis* konfyans nan ou.



Èske w travay pou paran w fè w ase konfyans pou w pale avèk yo sou sijè sa a kounye a, oswa èske w ta dwe tann toujou?



Si w panse l pi bon pou w ret tann, ki sa w ka fè antretan pou yo vin fè w plis konfyans annapre?

YON KONSÈY: Fè paran w wè fich aktivite w fin ranpli a epi sèvi avè l pou w pale ak yo.

Lè w ap *pale* ak paran w, sonje pawòl sa yo ki nan Bib la: “Yon repons ki dous kalme kòlè, men, yon pawòl ki rèd fè moun an kòlè.” — Pwovèb 15:1.



ÈSKE W TE KONNEN? Prensip ki gen nan fich aktivite sa a ka ede w tou si w ta gen pou w pale ak patwon w konsènan règ li fikse nan travay la.

“Lè w obeyi règ paran w bay yo se tankou lè w peye labank yon kòb ou dwe l: si w toujou peye alè, se plis bank lan ap fè w konfyans (oswa kredi).” — Dapre liv *Les jeunes s'interrogent. Réponses pratiques* (volim 2) a.